

LA

1531

403
102
GVERRE

SANS

CANONS,

RAILLERIE

EN VERS

BURLESQUES.



A PARIS,

Chez DENYS LANGLOIS, au mont S. Hilaire,
à l'Enseigne du Pelican.

M. DC. XLIX.

406

GVE RRE

CANON

RALLI

IN VMS

AVANCE



One of the most important

M. D. C. X.



LA GVERRE

SANS CANONS.

*S*emper ego auditor tantum? numquam ne reponam,
*V*exatus toties rauci Thesèide Codri?

Parbleu, sifait, il en faut dire
 Des mots qui ne sont pas pour rire;
 Car qui pourroit rire en ce temps
 Que maints & maints sont mécontents?
 Qu'on n'entend par tout que chamades
 Nous donner de rudes aubades?
 Et qu'outre pot & corselet
 A l'épreuve du pistolet,
 Il faut s'armer de bonne teste
 Contre l'instrument de la feste,
 Au son duquel tant se plaist Mars
 Qui n'aime que ieux de hazars,
 Et qui preferant la sculpture
 A l'excellent Art de peinture
 Ne sçait que trop, le malheureux,
 Tailler en bosse ou bien en creux,
 Faisant statuës fort antiques
 Avec ses coutelats & piques,
 Si c'est estre d'antiquité,
 De n'auoir bras que d'un costé,
 Que d'auoir la teste cassée,
 Main, pied, iambe, cuisse froissée,

A

Ou d'autres pareils accidens
 Que cause l'iniure du temps.
 Ce qui me fait penser & crêre,
 Que s'il se mettoit à portraire,
 Il y pourroit bien reüssir,
 Puis qu'il sçait l'art de racourcir.

Ce Dieu donc nourry dans l'armée
 Qui se plaist tant à la fumée
 Du feu de la poudre à canon,
 Rompons à propos de ce nom.
 Tant que nous verrons nos recreuës
 Courir si fort parmy les ruës,
 Estre si dispos & si prompts,
 Monstrant qu'ils ont bons esperons
 A la Thionuille, ou la Guiche,
 Qui fût iadis comme biche,
 Et par la crainte de mourir
 Monstra qu'il sçauoit bien courir.
 Dieu veuille que pas vn des nostres
 Ne fuye ainsi deuant les autres:
 Mais ces Gens sur nostre paue
 Ne demeurent pas vn Aue.
 Tant qu'ils feront voir que leurs mules
 N'ont du tout au talon les mules,
 Et que sâns peur de bouë ou d'eau,
 Ils courront emmy le ruisseau.
 Tandis qu'on verra renfermée
 Dans Paris vne grande armée,
 Il ne faudra point de canon,
 Que veux-tu dire par ce nom,
 Poëte crotté, qui par iactance
 T'erige en homme d'importance?
 Songe à ce que tu dis icy.
 Mercy, ne m'appellez ainsi:
 (Des deux cy, lequel faut-il mettre
 Pour bien rimer?) c'est de peur d'estre

D'estre

D'estre nommé Poëte crotté,
 Que i'auance vne verité.
 Quand ie dis pour vn vray presage,
 Canons ne seront en vsage
 Tant que les bouës dureront,
 Et que cheuaux ainsi courront,
 l'entends de ceux qu'on met aux bottes
 Qui blancs ne sont bons pour les crottes.

Je m'estois proprement vestu,
 Pris canons à pigeon pattu
 L'autre iour pour faire visite,
 Je marchois sans aller trop viste,
 Faisant pour ne les gaster pas,
 Vn demy cercle à chaque pas.
 l'estois auancé dans la ruë:
 Où tendant vn grand col de grue
 Delicatement ie vous mets
 Bouts de mes pieds sur pavez nets.
 Quand voicy que par brauerie
 Vn cheual pouffé de furie
 Par son indiscret Cavalier;
 Que n'estois-ie lors en soulier
 Auec vn bon gros bas d'estame,
 Mais i'allois pour voir vne Dame.
 (l'eusse mieux dit en verité,
 Que n'estois-ie lors bien botté
 Dessus vn bon bas de ratine,
 Ou de serge non pas si fine:
 Il falloit pour ces vers lier
 Trouuer vne rime en lier.)
 Cependant cét impitoyable
 Venoit courant comme vn beau diable,
 Sans respecter mon port diuin:
 Je me retiray du chemin
 D'une viftesse plus actiue,
 Que ne fait l'herbe sensitiue

De l'homme qui la veut toucher,
Tant i'auois peur d'en approcher.
Le recule viste en arriere,
Auancant bien fort le derriere,
Courant canons de mon manteau,
M'apprestant de dire, tout beau,
Toy qui d'une course inciuile,
Aux honnestes gens de la ville,
Faisant la guerre par ébat,
Les mets si-tost hors de combat,
Car Venus se plaist à la guerre,
Aussi bien que son adultere.
(Mais tirons-nous de ce penser,
De peur de Carefine offencer.)
Ie trouuay plus seur de me taire,
Et de retenir ma colere,
Connoissant que i'ay le defaut
D'appeller coquin ou maraut
Celay qui m'offence ou me genne,
Qui souuent ne se met en peine
Si ie suis enfant de bon lieu,
Témoin le pont de l'Hostel-Dieu,
Où l'on me bailla bien l'alarme;
Y voulant faire le gendarme,
Quand on osa me dénier
Passage faute d'un denier:
Q'ioy que pour lors sans hyperbole,
I'eusse en or plus d'une pistolle.
Que ne suis-ie en même danger,
Et n'ay-ie autant d'or à changer,
Quitte pour auoir plus de honte,
Mais reuenons à nostre conte.

Dans vne porte reculant;
Ie priois Dieu que le galand
Rencontrast quelque chausse-trappe
Quand ie m'apperçeu d'une trappe,

Ourant fort près de mes talons;
(Car i'auançois à reculons)
Vne effroyable precipice,
Où, sans aucun autre artifice
J'allois faire vn saut perilleux
Comme ce Romain glorieux,
Si i'eusse reculé d'un ponce.
Mais, si l'on ne sçait qui nous pousse;
On sçait qu'il y a quelque main
Qui conserue le corps humain.
Ma pauvre carcasse mortelle,
A cette fois l'échappa belle:
Et i'eusse gasté, ce dit-on,
Bien plus que bas & que canon.
Car le vin, pour fort qu'il se dise,
N'eust pû sauuer de ma chemise
Le moule, de ce fier destin,
Qui regne aussi bien chez le vin,
Qu'il fait dans vne chambre haute:
Tant y a, qu'ainsi par ma faute
Estant près du moment final,
Je tombay de fièvre en chaud mal.
Graces à vous, horrible entrée,
D'auoir esté si retirée.
Graces à vous, pieds & talons,
De n'auoir pas esté trop longs.
Bien m'en prit, ie vous le proteste,
De tourner tant soit peu la teste,
Et d'oublier pour vn moment
Des iambes le blanc ornement.
Qui soin de moy, dès l'heure mesme
N'eurent plus la couleur si blême:
Et l'on eust dit en verité
Que mon groin l'auoit emprunté.
(C'est vne pointe pedantesque
Qui ne vaut rien dans le burlesque)
Mes canons furent aspergez

412 Par ces Cavaliers enragez,
 Craignants de n'attirer à giste,
 Vn méchant diroit d'eau beniste,
 A Dieu ne plaise, ie le crains,
 Que l'abuse de mots si Saints.
 Ce ne fut d'eau de fleurs d'oranges,
 Mais de l'essence de mélanges,
 D'vrine, de bran, & du flux,
 Qui tous les mois, ny moins, ny plus,
 Souuent ramene la Mer rouge,
 Quoy que l'Arabie ne bouge,
 Ny n'auance Monsieur Paris,
 Pour aller voir Dame Memphis.
 Flux qui n'a pas l'odeur si bonne,
 Nonobstant le nom qu'on luy donne,
 Que la rose, ou quelque autre fleur,
 Dont elle approche de couleur :
 Si nourrit-il en recompense
 Vn fruit d'une autre consequence.
 Mais que sommes-nous deuenus ?
 Où est le paillard de Venus ?
 Disons-nous pas que dans l'armée
 Il se plaisoit à la fumée ?
 Si ie ne craignois d'estre long,
 Ou si i'estois bon violon,
 Ie chanterois par melodie
 Que ce grand Dieu, quoy que l'ondie,
 Aime plus celle du tabaq,
 Que des instruments qui font claq :
 Qu'au iugement de ses narines,
 (Que chacun sçait estre fort vaines)
 Vaut mieux fumée de renom,
 Que tabaq & poudre à canon.
 Finissons donc sur la fumée,
 I'y trouue pour rime affamée,
 Rime & raison, car à present
 On voit qu'on ne vit pas de vent,
 FIN.